


15029

III

~~Mag-Str. Dr.~~

7



CARMEN GRATULATORIUM

De

Felici & auspicio Lesnam IV. Calend. Octobr.

Anni currentis 1644. ingressu.

ILLUSTRISSIMI HEROIS ET MAGNI-
FICI AC GENEROSISS. DOMINI

Dn.

CASPARI COMITIS

A DÖHNHOF.

PALATINI SIRADIENSIS, LAIS.

CEN. RADOMSCENSIS, BOLESŁAWIENSIS,

SOKALIENSIS, &c. &c. CAPITANEI,

Domini mei gratiosissimi

nuncupatum.

15029

III RES



Nter Sarmaticos age Palatine Dynastas,

DÖHNHOFIÆ Illustris Sol columnenq; domus.

Ista dies albo meritò signanda lapillo est,

Quæ nobis tandem prospera vota tulit.

Exoptatus ades, Lesnensia limina felix

Ingrederis, gratus Civibus hospes ades.

Salve igitur nobis, Comes Illustrissime, salve.

Musarum Fautor, Sarmatizq; decus.

Qvale etenim cœli decus est Phœbeja lampas,

Quando coruscanti luce, serena, micat.

Tale decus Generose Heros, ac summe Dynasta,

Sarmatiz es nostræ, Castalijq; Chori.

Te celebrant alij, quanto decet ore, Tuasq;

Virtutum laudes Phœbus & ipse canit.

Et mea Musa pias ventura in secula laudes,

Desinet haud unquam concelebrare Tuas.

Ergò meum grato rude suscipe pectore Carmen,

Nec tibi displiceat, Magne Patrone, peto.

Nam velut effuso taurorum sanguine mille,

Sic capitur minimo thuris honore Deus.

Sic quoq; Tu, ô Patriæ per Te florentis imago,

Vivere more Dei Nomen habentis idem.

ab humillima cliente

ANNA MEMORATA

Virg. Polona.

Lesna Polonor. Typis WIGANDI FUNCCH.





